

山精百鬼之法諸山神地祇房祠主正之神聞此之祝皆執鞭奉迎神兵侍衛若與萬人同宿矣

凡受三品上道或未得上登三清受號仙王者多為天魔所試萬靈所干也宜誅拂魔之祝上動上天之靈音下召三界之威神東萬精於天鐘斬妖魔於洞章行此之法常當北向先思項生圓象如日左有朱鳳右有玄龍紫霞覆蓋光映身形仙童玉女執五色之節從三界萬神前嘯九鳳後吹八鸞白虬啓道

太極參軒畢叩左齒三十六通次叩右齒二十四通次叩上下齒十二通而祝曰
羅天毒獸備巨四門吞沉割膽山颺萬羣張
喉攫天猛馬高奔毒龍奮爪金頭橫吞威兵
巨萬受符校仙六天不拘合凶成羣妖魔鼓
洋穢蒸紛紛謔歌空洞亂音陣雲小鬼現形
當人生門神王所告無幽不聞上攝六氣下
檢河源五嶽四瀆善惡速分萬萬千來對
我前五帝校錄有功者原凶魔干真束形帝
君敢不從命所誅無獨屠肝割腹斬首滅根

北鎮濟陽南陵火壇金真錄氣流鈴捕魂妖
爽無遺極盡形源身佩天書道行正文滌蕩
九炁清明三元玄虛舉真上合自然莫有干
試改動上聞畢引氣十二咽止

右智慧拂魔之祝

凡是學士遊行名山在百鬼之間獨宿震怖
及嬰抱疾病羣鬼守門誦之一過將以鑊湯
之消冰炎上之洋金也魂神澄正氣安體強
自非稟命之應終未死不可得矣
上清修行經訣終

太上飛行九晨玉經

遊

太上大道君告北極真公曰吾昔遊於北天
策駕廣寒足踐華蓋手排九元逸景雲宮遊
戲北玄道遙翔陰之館賞于洞毫之門躬璇
璣以召運促劫會以佛輪歎萬物之凋衰俯
天地之長存乃覺九星之奇妙悟斗魁之至
靈也夫九星者寔九天之靈根日月之明梁
萬品之淵宗也故天有九氣則以九星為其
靈細地有九州則以九星為其神主人有九
孔則以九星為其命府陰陽九宮則以九星
為其門戶五嶽四海則以九星為其淵府五
九參列網維無窮制御天宿迴轉三辰調理
四五致天地得存萬品之所宗神仙之所憑
夫天無九星則無以為高清地無九星則無
以為至靈人無九星則九孔不明上帝兼之
以道真神仙憑之以得成五行乘之以致度
物稟之以得生也天清地靜則九星煥明
天激地否則九星翳昏璇璣召劫度之期天
關運五行之氣輪空洞之大輻促九天之應
會是以神光轉灼玄監萬生傍行越位以告

災祥天地所以有大運之交百六應符皆九星緯轉數終所以陰陽勃蝕二氣否激天翻地覆九海冥一金玉化消毫末不失也悉九星之所迴璇璣之所促明天地之用玄綱之妙得其中則有空常隱步藏景逃形變化三

辰萬物立成黑點隱淪二十五名其趣幽微秘不下傳上有九晨華君中有九皇夫人魂精魄靈皆九斗之威神吐煥七曜之光流映九天之門洞朗幽虛無毫不彰也其星陽芒則為流金火鈴陰芒則為豁落七元皆高上之靈策元始之威章也龍飛尺素之訣隱諱口口之中列帛華晨之下羊鴈禮天以招真則玄光曲照于盟場九晨下降於靈宇夫人懽悅於寢席玄斗記名於隱書有知此道存之便足以免大劫之會度洪災於甲申也修之^二二七年便得晏鴻翻而騰翔片紫霄而升晨也此玉清之上道不比上清之中仙也玉清則上清之高真上清則太清之高神太清則飛仙之高靈凡行玉清之道出則諸天侍軒給玉童玉女各三千人建三七色之節駕

紫雲飛軒十二瓊輪前導鳳歌後從玄鈞六師啓路飛龍翼轅其位准高仙列圖玉清行上清之道出則五宿侍衛給玉童玉女各一千五百人建紫毛之節駕飛雲丹輿前吹風鸞後奏天鈞玄龍啓道五帝參軒位准上清

左右位卿行太清之道出則五帝侍衛給玉童玉女各八百人建五色之節駕龍輿飛煙前肅九鳳後吹八鸞白虬啓道太極參軒故真中有高卑玄中有階次也玉清之道玄遠絕邀不比中真及飛仙之徒九星上法玄映之通吾昔受之於元始于今七億萬劫經天地成敗萬品衰滅而其道獨存今猶修之於雲景之上而不能忘之於時節者意玩此道高妙愛樂夫人接過也况來生始學飛晏之舉而不知幽尋步空之法何由得披重霄之門觀天地之始終乎既無此道與九晨乖域夫人絕遊也徒有玄名帝錄超卓高騰正可得兼駕雲龍遊矚五嶽但不死而已如此望踐斗魁旋步華晨騰景玉清當未有期也子方當匡御劫運封掌十天科簡玄錄理判神

仙宜受此法以綜萬生今出相付子秘而修焉九晨真人曰行飛步之道先一日沐浴齋淨是日於中庭布星圖隨斗建也北向長跪燒香於玄冥星下叩齒三十六通閉眼存歲星在左脇太白星在右脇熒惑星在頭上辰星在臍下鎮星在心次覆水九星

先舉左手屈於頭上如斗勢存陽明星在左手掌中陰精星在左肘上真人星在左乳上玄冥星當心故曉者於玄冥星下而丹元星在右脛上北極星在右膝頭上天關星在右足脛上輔星在臍下弼星在頭上畢微呪曰水天斗戴空中乘魁剛入斗門朝真人拜華晨二十八宿覆絡我身乘空步虛飛升自然畢咽氣九過止次舉右手如斗勢臨頭上存陽明還右手掌中陰精星右肘上真人星在右乳上玄冥星當心上丹元星在左脛上北極星在左膝頭上天關星在左足脛上弼星在左目上輔星在右目上畢微呪曰我乘天剛步九元履斗魁行飛仙得天心萬

神權隱形藏景變化萬端敢有干試杖繫斗
門掃除不祥正具明分左煥火鈴右輝靈情
威光萬里嘯命立前玉帝所呪靡不如言畢
咽氣十六過止

次乘斗旋行斗星之外步斗魂魄從天樞星

上對陽明次登天璇第十天璇以次周於隱元往

反三過畢於隱元星上歌三洞飛空章而登

陽明也便立思夫人
形象如左也

第一天樞星則陽明星之魂神也天樞星威

而不曜光而不照潛洞太虛圍九百二十里

對陽明星之西北門其星則號元斗宮魁精

玄上真皇夫人姓明通諱覽玄真名上精頭

建飛雲華顏之髻餘髮散至腰衣紫黃青三

色之襪帶九鈴之絞口恒吐青氣之光以注

於陽明星上以明星之煥也修飛步之道當

思夫人姓諱形像然後呪則魂神澄正明星

惟悅天光洞映使魂影俱飛登展也并足上

天樞星上對陽明星左手撫心右手指陽明

星叩齒九通咽液九過閉氣三息而微呪曰

天妃九星凝氣結真七曜纏絡號曰玉晨上

建華蓋下躡斗魁身乘天機飛步瓊軒魂精

魄靈與形合仙保元日月天地長存隨運變

化夫人齊連上升九天浩景自然畢閉氣三

息次左足躡天璇進右足與左足并通氣

第二天璇星則陰精星之魂神也天璇星景

而速映照而不煥潛洞太虛圍五百五十里

對陰精星之西門其星則號玄斗宮虛精上

玄皇夫人姓玄鏡諱鬱勃光真名金歸頭建

飛雲華顏之髻餘髮散至腰衣飛錦羅裙鳳

文錦帔帶靈飛紫絞口恒吐黑氣之光以注

於陰精星上以明星之輝曜也修飛步之道

當思夫人姓諱形像并足上天璇星上對陰

精星左手撫心右手指陰精星叩齒九通咽

液九過閉氣九息而微呪曰

北玄皇靈九上開清玉華潛映緯絡紫庭今

日飛步萬道通明魂魄澄正安附我形無使

飛翔同升北星上喻玄精飲以玉泉變化九

微保命天靈畢閉氣三息次進左足躡天璇

星次右足來并通氣

第三天璇星則真人星之魂精也天璇星狂

而不顯輝而不曜潛洞太虛圍七百七十里

對真人星之東南門也其星則號上精宮靈

妃元皇夫人姓常明諱化雲真名流爛頭建

晨嬰寶冠衣飛雲明光錦襪帶六山飛展之

絞口恒吐黃氣之精以注真人星上以明星

之曜也修飛步之道當思夫人姓諱形像并

足上天樞星上對真人星右手撫心左手指

真人星叩齒九通咽液九過閉氣十二息而

微呪曰

靈妃元皇九星中真上理璇辰總監諸天下

試羣方遊景紫煙是日上古黃道敷陳淵流

九外的灑我身飛行禹步上入帝晨與皇同

眉承享劫年畢閉氣三息次進左足躡天樞

星進右足與左足并通氣

第四天樞星則玄冥星之魂精也天樞星微

而隱隱而同映潛洞太虛圍八百里對玄冥

星之東門也其星則號網極宮上靈神妃華

皇夫人姓開生諱運明真名嬰開頭建七稱

之冠衣緋羅鳳文之襪帶金真玉九口恒吐

赤氣之精以注玄冥星上以明星之煥曜也

修飛步之道當思夫人姓諱形像并足上天
權星上對玄冥右手撫心左手指玄冥叩齒
九通咽液三過閉氣三息而微祝曰

神妃上靈號曰華皇安鎮華蓋北之宮左
侍玉女右衛靈童道引七精九暉之光為我
致真飛步天剛使我魂魄俱升帝堂畢閉氣
三息次進左足躡玉衡進右足與左足并通
氣

第五玉衡星則丹元星之魂靈也玉衡星大
而躡躡而不煥潛洞太虛圍七百二十里對
丹元星東北門也其星則號紀明宮北上金
蓋中皇夫人姓元方諱神武真名勃頭建紫
晨飛華之冠衣九色之襪帶神虎玉文口恒
吐白氣之光以注丹元星上以明星之暉也
修飛步之道當思夫人姓諱形像并足上
衡星上對丹元星右手撫心左手指丹元流
齒三通咽液三過便閉氣三息而微祝曰
皇華中妃上元所居九斗吐暉精煥八竭流
煙鬱勃散靈朱塵使我魄靈天地同符形魂
俱升駕空策虛玉光緒絡丹軒紫輿飛行北

上參受隱書畢閉氣三息次進左足躡閭陽
星進右足與左足並通氣

第六閭陽星則北極星之魄靈也閭陽星朗
而潛照暉而不煥洞微太虛圍七百七十里
對北極之下開北洞之門也其星則號紫極
宮安上晨華元皇夫人姓王元諱根華真名
冥會頭建玉晨進賢之冠衣飛青羽襪帶流
金花鈴口恒吐綠氣之精以注北極星上以
明星之暉暉也修飛步之道當思夫人姓諱
形像并足上閭陽星上對北極星而左手撫
心右手指北極叩齒三通咽液五過閉氣五
息而微祝曰

九天上帝黃華之宗運轉璇璣總輪八方使
我飛步躡紀天綱反覆交并三五縱橫通靈
八微羽衣玄黃龍與玉景飛行太空長享眉
壽天地同功畢閉氣五息次左足躡搖光星
進右足并通氣
第七搖光星則天關星之魂太明也搖光星
則光轉空洞燧旋天關也潛煥太虛圍九百
里上對天關星之南門下對北極星也其星

則號運天宮玉華靈皇夫人姓度元諱終會
真名啓光頭建飛華頰雲之髻餘髮散至腰
水七色夜光雲錦之裙九色錦帔九天威靈
玉策口恒吐赤氣之精注天關星上以明星
之大光也修飛步之道當思夫人姓諱形像
并足上搖光星上對天關星而左手撫心右
手指天關叩齒九通咽液九過閉氣三息而
微祝曰

天地廻轉七光大明旋輪九氣上應玉清中
有夫人號曰華靈玄映九外無毫不生是日
良吉飛步紫庭使我魂魄安附身形變化空
洞出幽入冥天地同輪萬劫不傾保仙上元
九晨齊精畢閉氣七息次左足躡洞明星進
右足并通氣
第八洞明星則輔星之魂精陽明也洞明星
則光廻諸天總輪上宿流暢太虛圍九百九
十里上對輔星西南門也在天關之上梁北
極之陽芒也其星則號空真宮太明常皇夫
人姓幽昇諱元韻真名空變頭建飛雲華頰
之髻餘髮散至腰衣飛羅大襪帶九光之絳

口恒吐青氣之精注於輔星之上以常陽大光也修飛步之道當思夫人姓諱形像并足上洞明星上對輔星而右手撫心左手指輪星叩齒九通咽液九過閉氣三息而微呪曰三五飛行天地開張九元迴網合紐上京天真散靈萬道溢昌夫人曲映是日吉良飛步斗魂旋行玉網頭戴華蓋足履常陽遊戲三清變化萬方保仙自然享壽無窮畢閉氣十二息次左足躡隱元星進右足并通氣第九隱元星則弼星之魂明空靈也隱元星則隱息華蓋之下潛光曜於空洞之中圍九百九十里上對弼星之東南門也其星則號元寶宮空玄變靈上皇夫人姓冥通諱萬先真名常陽頭建飛雲七稱玉冠衣青文錦襪帶九光夜燭口恒吐黑氣之精注於弼星之上以明煥隱洞之光也修飛步之道當思夫人姓諱形像并足上隱元星上對弼星而左手撫心右手指弼星叩齒十二通咽液一過閉氣一息而微呪曰

化形影千合萬分神安氣鎮鍊度仙魂舉體同飛衣服錦裾流鈴交落身佩虎文嘯咤五帝策駕景雲上造北辰朝謁皇君畢閉氣一息止還并足上天樞星上單步往反三周不須復存思呪說也步斗魂事畢存呪正切登星一過行之爾往反三過畢還立天樞星上向陽明星而歌誦徘徊遊行九晨羽章三篇畢便登網上陽明星上行飛步也羽章詞如左

雲網落天紀	九斗翠玉虛	紫蓋重霄嶺
玄精朗八嶠	上有九晨賓	吟詠隱與書
飛步遊北漢	長齡天地居	
控轡玄羽臺	飛行九元所	洞虛深幽遠
雲網乘空舉	下有株真士	仰照玉晨府
三周陽明上	九迴入洞野	高步登帝尊
長歌龍飛語		
玉霄映北朔	瓊林翠隱柯	空生九靈臺
煥精耀太遐	天關運重冥	劫會屢經過
乘我羽行駕	飛步織女河	保靈空常化
永忘天地多		

此三章出玉清上官諸九陽玉童九華王文皆恒歌誦之於華晨之上以和形魂之交暢啓靈真於幽關也

凡修飛步七元行九星之道無此歌章皆不得妄上天網足躡玄斗也犯之九星則執子魂魄閉於斗網之下也令人猖狂失性嗔怒妄與不出三年無不喪身非道不欲使人得仙而人不能明道淵源耳如此豈可不詳而行焉九星則九天之根玉清之明精九魂則九星之明靈人徒知步七星之妙而不知九星魂魄之至靈也非七星不欲運人上斗而人身魂神畏斗星之靈魄不敢隨人而騰空也欲修飛步之道宜知斗星之魂魄九皇夫人內名空常之隱訣也而按圖修行豈當不得飛登北元上謁華晨者哉但此道高妙玉清寶秘不行中仙鮮有得者知其法則九星內映夫人降席斗魂感悅則共攜兆而并入九元之內宮

陽明星天之太尉司政主非上總九天上真中監五嶽飛仙下領後學真人天地神靈功

過輕重莫不隸焉星圍九百二十里皆瑠璃
 水晶中有玉樹青實金翅之鳥棲宿其上自
 生青精玉芝食之一口壽九萬年星有九門
 有四光芒皆燭照九億萬里中上有青城玉
 樓據斗真人號曰太上宮青城玉樓九晨君
 姓上雲諱法嬰容字董洞陽搖天槌頭建九
 晨玉冠衣青羽飛裳手執斗中玄圖坐玉樓
 之中有玄名玉錄當得知九晨君內諱知者
 王晨下映明星玄降修其道飛行太空升入
 九門之內也修飛步之道當先於陽明星上
 右手撫心左手指天東北閉氣九息叩齒九
 通咽液三過閉眼思九晨君姓諱形像留立
 陽明星上便微祝曰
 飛天九晨上據玄魁威振八煥司政糾非今
 日飛步萬道通開九真齊景天轉地迴思謀
 截頭人逆斬摧三綱所捕逆者將衰神靈侍
 衛享福魏魏得天之心骨化形飛手攀七綱
 足踐九扉雲行兩步上昇太微畢左轉陽明
 星上九迴立向鬼門閉氣三息轉左足踞陰
 精進右足并於陰精星上通氣

陰精星天之上宰主祿位上總天宿下領萬
 靈及學仙之人諸學道及兆民俗命祿位莫
 不隸焉星圍五百五十里亦皆瑠璃水精中
 有玉樹黑實金翅之所棲自生玄芝玉飴食
 之一口得壽五萬年星有五門門有四光芒
 燭照九億萬里中上有五色玉樓拳魁真人
 號曰中元宮五色玉樓北上晨君姓育嬰諱
 玄上寔字昌陽文澈明光頭建玄精玉冠衣
 玄羽飛裳手執五色羽節坐玉樓之中若有
 玄名朱臺當得知上晨君內諱知者則北上
 下映陰精玄降修行其道則飛行太空昇入
 五門之內也修飛步之道當先於陰精星上
 左手指本命右手撫心閉氣五息叩齒五通
 咽液五過閉目思北上晨君諱字形像留立
 陰精星上便微祝曰
 玄晨北靈五氣上精體隱六紀心藏景星日
 月映映三光飭形今日元吉步綱紫庭上開
 天戶受福朱靈享祚無極祿位尊榮萬願交
 覆所向利貞騰飛華蓋遠翔玉清上詣北晨
 九真齊軒畢左轉陰精星上五迴向本命上

立閉氣三通轉左足踞陽星進右足并通氣
 不得踞真人星但踞陽星耳
 真人星天之司空主神仙上總九天高其中
 監五嶽靈仙下領學道之人真仙之流莫不
 隸焉星圍七百七十里亦皆瑠璃水精中有
 玉樹黃實金翅之所棲自生黃精玉芝食之
 一口得壽三十萬歲星有十二門門有四光
 芒燭照九億萬里中上有黃臺玉樓真人號
 曰真元宮中黃臺玉樓主仙華晨君姓歸珮
 諱妙陰光字通度元度凝脂頭建飛晨寶冠
 衣青羽飛裳手執斗中青錄坐玉樓之中若
 有玄名方諸當得知華晨君內諱知者則華
 晨下映真人玄降修行其道則飛行太空昇
 入十二門之內也修飛步之道皆不得踞真
 人星也當并足踞星上所謂偃息華蓋者也
 北老真公曰子欲騰身勿干真人子欲飛行
 勿枉天綱子欲神仙當拜華晨行道當進真
 人星立踞星之上拜真人朝華晨而求飛空
 也踞星曰空輔星曰常常者常陽空者隱藏
 其有諱不得傳於人口可於華晨之下羊馬

禮天裂素盟而傳得此秘諱心存而行之輕
泄七祖負考風刀也當於弼星上右手撫心
左手指西北閉氣九息叩齒九通咽液九過
閉眼思主仙華君姓諱形像留立真人星
上便微呪曰

太微通真弼輔華晨吐煥九精結氣紫煙飛
霞流映光曜十天止理沅衡下攝神仙今日
飛步請禮真人一求空行二乞隱身三願上
昇北掖四便龍衣羽服錦帔青裾駕乘八景
浮遊九玄得入天宿與帝同軒舉左翅弼星
七過向真人閉氣三息轉左足躡玄冥進進
足并道氣

玄冥星天之遊擊主伐逆上總九天鬼神中
領北帝三官下監萬兆伐逆不臣諸以凶勃
莫不隸焉星團八百里亦皆瑤瑤水精中有
玉樹赤實金翅之所棲自生丹芝流瑛食之
一口得壽八千萬年星有三門門有四光芒
燭照九億萬里中上有朱臺玉樓出斗真人
號曰紐幽宮中朱臺玉樓玄上飛蓋展君姓
冥樞諱定宜覺字法明度推天柱頭建三華

寶晨冠衣丹錦飛裳手執命靈之節坐玉樓
之中若有玄名玉格當得知飛蓋展君內諱
知者則飛蓋下映玄冥玄降修行其道則飛
行太空昇入三門之內也修飛步之道當先
於玄冥星上右手撫心左手指天閉氣九息

叩齒三通咽液三過閉眼思飛蓋展君姓諱
形像留立玄冥星上便微呪曰
天真行道步景戴形七元煥落九晨齊并手
把天衡足踐飛星左輔火甲右御朱兵威振
十天流煥上清先戮謀議後伐妖精敢有干
正斬以刀刑三綱所制莫不伏聽變化往反
適心華庭乘空飛步上造帝靈畢左迴三轉
向天閉氣三息轉左足踐丹元星進右足并
道氣

丹元星天之斗君主命錄籍上總九天諸錄
中統鬼神部目下領學真光民命籍諸天諸
地莫不總統星團七百二十里亦皆瑤瑤水
精中有赤樹白實金翅之所棲自生金精治
鍊之膏食之一口得壽七萬年星有七門門
有四光芒燭照九億萬里中上有素臺金樓

躡紀真人號曰網神宮中素臺金樓躡紀真
人金冠七晨君姓上開諱冥通光字朱煥元
變五道頭建七寶飛天冠衣白錦飛裾手執
青元錄籍坐金樓之中若有玄名崑臺當得
知七晨君內諱知者則七晨下映丹元玄降

修行其道則飛行太空昇入七門之內也修
飛步之道當先於丹元星上右手撫心左手
指天關閉氣七息叩齒三通咽液三過閉眼
思七晨君姓諱形像留立丹元星上便微呪
曰
飛行躡紀上步丹元乘冠落宿呼命斗冕削
死動生青白簡分三合成道年命長延享利
眉壽齊生華晨肉飛骨輕駕景乘雲仙衣羽
服流鈴紛紛五色煥耀昇入七門舉迴星上
七轉還向天關閉氣七息轉左足踐北極進
右足并道氣

北極星天之太常主昇進上總九天真中統
五嶽飛仙下領學者之身凡幼動得道轉輪
階級悉總之焉星團七百七十里亦皆瑤瑤
水精中有黑樹白子金翅之所棲自生玄芝

水瑛食之一口得壽五萬年星有八門門有四光芒燭照九億萬里中上有玄臺玉樓步網真人號曰紀明宮中玄臺玉樓北展飛華君姓明靈諱長明化字淵源源昌上元頭建飛精華冠衣紫錦飛裳手執九斗玉策坐玉樓之中若有玄名金臺當得知飛華君內諱知者則飛華下映北極玄降修行其道則飛行太空止昇八門之內也修飛步之道當先於北極星上右手撫心左手指金門閉氣八息叩齒三通咽液三過閉目思飛華君姓諱形像叩齒立北極上便微呪曰
 天行三五中元迴旋飛步華蓋御斗乘晨落紀三命徘徊遊烟今日元吉上希神仙名書玉簡刊字紫篇青襦羽服丹披錦裾八景丹輿運我昇軒位為仙卿北上之君請求所呪靡不如言畢迴星工八轉還問西方閉氣八息轉左足踐天關進右足并通氣
 天關星天之上帝主天地機運如四時長養天地否泰劫會莫不隸焉星圍九百里亦皆瑤璃水精中有三華之樹五色之寶金翅之

所棲生自然九味芝膏服之一口身生九色之光得壽九萬年星有一門門有九光芒總運九天之氣燭照九億萬里中上有九層玉樓乘龍真人號曰閉會宮九層玉樓總雲九元北蓋晨君姓玄樞諱轉光字會元終明天徒頭建九元寶冠衣九色錦裳手執暉神之章坐玉樓之中若有玄名九天帝圖玉籙當得知北蓋晨君內諱知者則北蓋君下映天關玄降修行其道飛行太虛昇入一門之內也修飛步之道當於天關星上左手撫心右手指地戶閉氣一息叩齒三通咽液三過閉眼思北蓋晨君姓諱形像留立天關星上便微呪曰
 天元運關地紀轉維九靈交度三五相推四七情宿五帝徘徊承玄步虛上躡玉機衣斗履斗流鈴煥威順我者吉逆我者衰我行天真萬里廓開身騰蒼翮現昇形飛長離劫會昇入太微畢迴星上一轉還向地戶閉氣一息轉左足踐轉星進右足并通氣
 輔星天尊玉帝之星也曰常常者常陽主飛

仙上總九天下領九地五嶽四瀆神仙之官悉由之焉星圍九百九十里亦皆瑤璃水精中有青華之樹自有九音之字上有青鳥三足鳥生自然瑤璃芝瑛食之一口得與玉帝同真星有八門交通八氣門有四光芒燭照九天之上中有紫氣玉樓遊行三命真人號曰帝席宮中紫氣玉樓帝尊九晨君姓精常諱常無竟字玄解子空正上開延頭建飛精玉冠衣九色衣手執火鈴坐玉樓之中若有玄名上清得知帝尊內諱知者則帝尊下映輔星玄降修行其道飛行太空昇入八門之內也修飛步之道當於輔星上右手撫心左手指靈感星閉氣三息叩齒三通咽液三過閉眼思帝尊姓諱形像留立輔星上便微呪曰
 乾坤交覆三命接靈上步天宿飛行九星左把陽書右執羽經拜謁帝尊受帝之名得越華蓋騰翔紫庭今日行道萬慶交并受福魏魏永享長生身變毛羽飛昇上清畢迴星上三過還向南方閉氣三息轉左足還踐弼星

上進右足并通氣

弼星大帝真星也曰空空者恒空隱也主變化無方星圍九百九十里亦瑤瑤水精中有三華之樹自生九天玉章上有金口之風口銜火鈴中生自然七曜之暉得食一口與大帝同真星有九門交關九天門有四光芒燭照八極之外無央之中也中有玉臺紫館徘徊三陽真人號曰上尊宮中玉樓紫館帝真元晨君姓幽空諱空無先字隱元覺冥陽暉幽寥元頭建飛天玉冠衣九天龍衣手執帝章坐紫館之中若有玄明九天得知帝真內諱知者則能隱形藏身修行其道則飛昇九門之內也修飛步之道當於弼星上右手撫心左手指北辰星閉氣五息叩齒三通咽液七過閉眼思帝真元晨君姓諱形像却立弼星上便微呪曰

進十

九

氣七息左轉兩足還并立陽明星上從陽明

星單行禹步周迴九星往反九迴止皆不須復存呪也畢還弼星上平坐偃息華蓋存九晨覆水如初法閉眼思己身在絳雲之內乘天網飛空上昇九天之門隨網轉輪九過畢覺身如落空還坐星圖之上便以手拭目九過捨兩眼門九過而行周天大呪叩齒九通仰西北而呪曰
高上九靈皇上華君總仰天宿迴度三辰變化四節五行成仙是日行真普命萬神五嶽四瀆及諸靈山天地水官悉衛我軒太陽激電六陰吐雲猛獸驅除萬精四奔毒龍食鬼平滅邪源謀我者刑于我者煩樂我者壽願我者仙我帶靈策體佩七元流金火鈴煥落我身頭戴華蓋足躡景雲口銜天精手握天關空常變化千合萬分金木水火立成自然飛行禹步徘徊九門出入三清天地長存畢又叩齒三通咽液二七過都止九晨之道畢於此也行九晨之道當以正月七月四月十月四孟月同用上旬五九唯一日也平旦二

月八月五月十一月四仲月同用中旬十五

十九正中三月九月六月十二月四季月同用下旬二十五二十九夜半此一月六日旬適取其一日一月三過行之一年三十六過以應天關轉輪九天之氣三百六十度之數也以其日行通皆九天書名得過陽九百六之運身免洪波大劫之災九年乃得晏飛網而上步乘空紀而起足也
九晨玄圖金簡文曰修飛步九晨之道亦當依步天網之日兼而行之益求飛天之速玄斗星鑿也若兼修者當先行九晨而後行步天網也此二法呪呪為異原同一法步天網太微帝君昔授皇清洞真君步天網飛地紀據玄斗攀星魁接九真乘飛龍遊三命淨三生固三寶出六宮隱六陰入六紀鎮天英守延期存元輔攝大弼用流丹房上昇文昌展轉九道位為九老行之二十年受書為上清真人凡人望七星為近不知步之甚遠道士苟知天網之可步而不知魂魄不追其身非身之不將魂魄也魂魄畏七星之威不敢追

身而上行也故三魂不歸七魄蕩散徒以空尸步綱而神不我從實徒勞也子欲步綱澄心虛靜不思哀憂不念笑味於是迴行三百登星啓祝使魂魄二神俱過靈關豁然縱體奄忽自忘盛潔乃步恒如踏空一年辟非二

三十

十一

年辟兵三年辟死四年地仙千害萬邪衆莫敢干自此以往福慶無端致神使靈騁駕飛龍太極賜芝玉帝給童行二七年為上清真人步法勿橫行干綱也直畫連星之界分曰綱也犯橫天綱皆伐斷天道大禁也步綱勿躡真人星大忌犯此二者皆脫巾叩頭謝綱象以布帛為之長九尺廣六尺羅列星位於帛上以青筆為星丹筆為網盛之紫箱每欲施行燒香出之侍書有玉女七人衛星有五童七人婦人步綱用絳帛太微帝君教授步天綱之經謹按神真上法先燒香於行事之所閉氣七迴行斗星之外三帛始於陰精而於陽明畢乃通氣始得足躡於七星身上步於陽明耳於是向陽明星又閉氣而心祝曰陽明大魁玄極文昌使某魂魄俱遊天綱祝

畢乃左足躡陽明又進右足躡陰精心祝曰陰精北極太上璇璣使某魂魄俱過神津次左足躡北極心祝曰

北極天光迴通玄辰使某魂魄俱至玄關次右足躡天關進左足前與并乃通息大祝之

一閉息不竟綱者可於升元星上通息更閉微祝曰

金木水火土五行相推七星煥煥天綱最威輔星鎮盛弱星却衰九真太上太極太微三

府玉帝三尊辟非天動地轉魂魄相隨使我飛仙真光徘徊名入金房玉門乃開乘龍陟

空日月同輝遊行上清鳴鈴翠衣左躡流電右御奔雷地上萬邪伏死敢追惡心視我使

爾斬推帝命玉女營侍以歸魂真魄神合形升飛

倒行法 止於天關倒向北極微祝曰

太上元辰華蓋紫雲北極玉房藏景化精太微玄臺九真玉城願某飛仙得行雲庭反步天綱魂魄俱生乘龍華宮得道之英左佩玉璫右腰金鈴虎帶龍裙嘯攝天兵乘景三素

飛登上清祝畢乃閉氣舉左足躡北極右足躡丹元次舉左足躡玄冥前右足與左足并而向真人之星通息微祝曰

太極九精上皇高真出登元清入隱玄陰育某長某使某好仙玉臺忽開金堂八門乞某

佩書絳龍青裙上佐紫微後聖之君乘十飛龍玄蓋景靈列名玄圖日月同拜祝畢因又

閉氣左足躡弱星進右足躡陰精又進左足躡陽明前右足與左足并乃通息微祝曰

天魁正陽斗運低昂前轉元機後動靈綱制魄以寧拘魂以康魂魄與身俱行天堂向見

金闕高上太皇右扶仙母左扶仙公紫翠飛華龍袍虎裳帶具巾玉項生圓光手把神鈴

腰佩金鐺口誦洞真七變妙章先自虛无生而為玉飛行九道據斗攀綱前從太一後從

玄郎告某口訣坐在玄亡反行至要位為仙

卿五藏自生與天相迎所願如念所求尅昌萬邪伏害易地隱藏惡我天伐水滅火喪反行法又閉氣右迴斗星之外三帛始於陽明而於

陽明通息祝曰

高上太真七耀至尊及行壽生上步天元使
朱飛仙得入紫門因又閉氣左足躡陽明右
足躡陰精先前右足躡玄冥左足躡丹元次
右足躡北極左足躡天關右足前與并乃通

息祝曰

七變返旋上行至宿六紀輔我三綱合步五
帝左盼高上右顧教我乘星騰登玄路乞賜
飛仙不死之祚遊行上清乘華三素金青翠
裙出入九舍北皇見揖南真見謝名書仙臺

千變萬化得交聖君太平輔佐所願從心萬
事成就有惡我者乃刑火墓順行倒行反行
三道都畢乃又舉兩足俱上陽明星以右手
撫心左手指玄冥星閉氣三息叩齒三七咽
液三九名曰據斗微祝曰

陽明太素立辰黃房中有大神左附上皇右
抱高真龍樹翠水飛錦虎文腰帶玉符首戴
蓮冠出無入虛金真玉光靈尊尊我號曰陽
明足躡朱烟口誦洞章賜某隱書見教步綱
周行三復據斗自忘使某飛仙超虛浮空名

書上清乘玄駕龍意有所之願樂皆從三尊

合德魂魄內通致給神官玉女玉童有惡某
者刑之雷風森謀斷舌齒之十方祝畢存心
中忽然忘身良久而下據斗之道既畢又兩
足俱上陰精星以左手撫心以右手指真人

星閉氣三息叩齒三通咽液三過名曰攀魁

入太微微祝曰

陰精玄素華闕生門中有玉帝北極至尊鳳
縉華領龍翠碧裙腰虎佩鈴扶芝丹冠號曰
陰精太上之君授某隱書使步一元攀魁上
升遂遊靈關外拘七魄內制三魂鍊鍊俗累

魂寶胎神魂魄守身與之俱仙飛行上清還
氣嬰顏所向如心萬欲無難有惡某者形死
三宮威攝六天役使羣神攀魁之道既畢乃
又兩足俱上陽星并足向真人星四拜畢跪

閉氣四息叩齒四通咽液四過名曰接真跪
微祝曰

太極九精上元明真正機把銜吐納紫煙金
光玉映威服十天攝御三光調陽和陰理元
賦氣改易故新上治中宿玄關之玄金室玉

戶北披四便出駕八景浮遊太元龍錦鳳衣

虎翠飛裙絳絳綠帔紫羽七綠腰帶神符首
戴扶冠上樓九虛下翔天淵自號玉皇九天
極真哀某好道授某隱篇躬登弼魁朝拜靈
君乞願丹書為生之緣治天三五飛行八玄

五藏自生上品飛仙得真玉帝後聖之臣位

高大夫乘雲飛輪所願皆合眾邪莫干有惡
我者暴形破門接真之道既畢乃又兩足俱
上玄冥星以右手撫心以左手指丹元星閉
氣三息叩齒三七通咽液三過名曰步斗微

祝曰

洞天神光迴隱玄冥氣盈太虛去來無形隱
天藏地周灌無生忽登天綱上步紫庭北視
雷房南顧電城眩惑萬變非復故形恍惚流
景觸手立成欲求載身得我姓名虛元微兀

九變玄冥坐起六甲謁署六丁賜某隱書步
斗行星仰見上皇披丹巾青手把靈光腰帶
玉鈴上乞飛仙與天俱生名書太微浮化上
清下乞變化載景錄形萬事如願前由皆平
有惡我者戮以神兵

太極真經金根上文曰子登玄冥步半隱形
子欲變化當得我名迴天動地萬物立成步
玄冥時及欲隱時當心存此名字步斗之道
既畢乃又兩足俱上丹元星以左手撫心以
右手指北極星閉氣三息叩齒三通咽液三
過名曰躡紀微祝曰

太上九臺丹元玄紀外管北極內正天理金
闕映外玉庭耀裏中有至尊號曰赤子治在
丹元絳房之中翠雲繡華龍帷虎裳右執皇
籙左把魁綱足躡景雲首巾紫冠右佩流鈴

○左帶玉璫賜某隱書躡紀遊行上乞飛仙乘
玄駕龍書名丹臺太極玉堂所向所求福祿
來迎有惡某者願為滅亡給侍神官玉女玉
童躡紀之道既畢乃又兩足俱上北極星以
右手撫心以左手指天關星閉氣三息叩齒
三通咽液三過名曰步綱微祝曰
玄上太微北極紫蓋下有太真遊翔九外翠
華飛裙金鈴青帶腰佩玉光玄雲奄謁賜某
隱書上行七氣登清戲煙真人合會乞向飛
仙書名丹室所向如願無災無害有惡我者

令彼傷敗步綱之道既畢乃又兩足俱上天
關星以右手撫心左手指天關閉氣三息叩
齒三通咽液三過名曰乘龍微祝曰

太上七極紫微絕辰寶玄金房外有玉門周
運九宮調和天關中有尊神號曰紫皇授某
隱書攜某乘龍上遊九天下飛地元景雲丹
與玄華翠裳腰佩龍策頭巾虎文包生萬物
教訓飛仙脫某死名天地長存乘龍步斗所
向受恩有惡我者風刀火然乘龍之道既畢
乃又兩足俱上輔星閉氣一息叩齒三通咽

○液一過名曰遊行三命旋步天英也微祝曰
太極輔星精在紫關養生育命寶守神魂金
房再開奉見輔君賜某隱書使某遊旋列名
聖皇飛仙九天巾金佩具出入洞門遊行三
命既畢乃迴行諸星兩足俱上閉氣一息
叩齒三通咽液一過名曰徘徊三陽出入三
生微祝曰

太虛泥丸紫宮天尊玄空真紐為帝之先在
道玉皇在身泥丸馮威啟生氣貫霄元精入
明堂醴胎益魂朱山再開奉近靈元左採日

華右極月根流火萬文金羅碧裙腰帶天骨
首戴華冠賜某隱書得行天關乞願飛仙役
使萬神萬向皆會福德如山行事時皆北向
執隱書而為之也亦可按文視星不必開誦
而作也春步七星名曰步三綱夏步七星名
曰躡六紀秋步七星名曰行六害冬步七星
名曰登六絕

○太上飛行九晨玉經終